


LAMBANG NEGARA

BENDERA PERSEKUTUAN TANAH MELAYU, JATA NEGARA DAN BUNGA RAYA



Reka bentuk bendera Persekutuan Tanah Melayu yang dicipta oleh Mohamed bin Hamzah.

Sumber: Arkib Negara Malaysia.

Pemilihan Bunga Raya sebagai Bunga Kebangsaan



Petikan Perbahasan Dewan Rakyat pada 12 September 1960 berhubung dengan pemilihan bunga raya sebagai bunga kebangsaan.

Sumber: Arkib Negara Malaysia.

Dalam pemilihan bunga kebangsaan, kajian dijalankan pada akhir tahun 1957 hingga awal tahun 1958 dalam dua peringkat, iaitu kawasan bandar dan luar bandar. Walau bagaimanapun, hasil kajian berbeza-beza bagi setiap negeri sehingga menyukarkan kerajaan membuat keputusan dan pemilihan. Perkara pemilihan ini tertangguh sehinggalah pada 28 Julai 1960, diumumkan Bunga Raya sebagai Bunga Kebangsaan oleh Tunku Abdul Rahman.



Jata kerajaan Persekutuan Tanah Melayu, 1948.
Sumber: Arkib Negara Malaysia.

Lambang negara merdeka menggunakan Lambang Persekutuan Tanah Melayu yang diperkenalkan oleh Raja-raja Melayu pada 30 Mei 1952. Pada masa itu, lambang Persekutuan berbentuk sebuah perisai, di atas perisai tersebut terletak bulan sabit dan bintang pecah 11 yang menunjukkan 11 buah negeri Melayu dan Negeri-negeri Selat. Anak bulan dan bintang menandakan agama Islam. Pada bahagian sebelah atas, di dalam perisai itu terletak lima bilah keris menandakan lima buah Negeri Melayu Tidak Bersekutu. Sebelah kiri perisai menunjukkan Negeri Pulau Pinang dan sebelah kanan menunjukkan Melaka. Di tengah-tengah perisai terdapat warna hitam dan putih mewakili negeri Pahang, merah dan kuning mewakili Selangor; putih, kuning dan hitam mewakili Perak, manakala kuning, merah serta hitam mewakili Negeri Sembilan. Dua ekor harimau di kiri dan kanan perisai di sebelah luar digambarkan sebagai penyokong perisai Negeri-negeri Melayu Bersekutu yang dahulu. Perisai itu dialas dengan cogan bertulisan Jawi “Bersekutu Bertambah Mutu” yang bersamaan dengan cogan bahasa Inggeris “Unity is Strenght”. Warna kuning pada awan-awan ialah warna Diraja bagi Duli-Duli Yang Maha Mulia Raja-Raja.